

BAP: Nimm mich mit

1. Sick paar Daach renn ich nur noch römm,
hypnotisiert vun dämm, wat öm mich römm all affläuf.
Ich krieje nix mieh op de Reih,
doch dunn als ob, weil mir't durchhänge keiner affkäuf.
Ich spill die Roll, die ich
anscheinend spille soll,
nur janz deef drinne jährt et wigger, weed zo Ekel vüür mir selvs,
dann mööch ich schreie, laut un endlos lang,
doch fing - wie immer - ene Grund, et nit ze dunn,
ich benn wohl bloß ze bang.

2. Stattdessen fress ich en mich renn,
bau Barrikade un Sandburje uss Bedenken.
Ich graav mir't Kreechsbeil uss un widder enn
- janz heimlich - weil ich mich nit jähn selvs kränke,
denk hin un her un ich föhl mich unendlich leer,
bess ich irgendwo jet Blaues sinn, ne Lichtblick oder zwei,
do mich durchschaus, mir wo't langjonn künnt zeichs,
weil do die Landkaat bess dä Schlüssel häss,
dä mich vun mir befreit.

Refr.:

Nimm mich mit, einfach mit, irjendwohin,
wohin weiß ich nit.
Nimm mich mit, nimm mich mit, zeich se mir,
falls et en Richtung jitt.
Nimm mich mit - Nimm mich mit

3. Kumm lommer flüchte, nit op Ecke stonn,
op Wunder waade, bess mer alt un grau sinn,
weg vun Jerüchte, Stammesch, Märsche, Minsche,
die jeföhllos, doch genau sinn.
Kumm les uns uss der Hand, do steht
wo, wie, vüür allem wann et lossjeht,
russ uss dä Startlöcher, die ald lang jejraave sinn,
wo ich drinn hocke un ming Leeder sing
un Wööder sammle un verjammle, nimm mich mit,
oh, nimm mich mit dohin.

3. Kumm, mir wollen uns verstecke,
uns die Wunde lecke, die noch nit vernarbt sinn,
Oreganoblöte plöcke,
Stein vun weise Männer sööcke, die verarmt sinn,
en ner Mondstrooß schwemme,
bei Minsche noh dänne
nie en Strooß benannt weed - nie - jeschweije denn en Stadt,
die trotzdämm wunschlos sinn un nit bloß satt.
Su nüdich wie em Aurebleck hann ich e Luffschloß
lang nimieh jehatt.

Alle Rechte liegen bei Bap. Quelle und offizielle Homepage der Band: www.bap.de.
Weitere Liedtexte der Band finden Sie in bei: www.liederkiste.com